

畿輔安瀾志

臣王履泰恭纂

永定河卷五

隄防

石景山北金溝片石隄長十丈寬二丈高四尺南金溝片石隄長三十丈七尺寬一丈二尺高一丈四尺

謹案金溝卽古金口河高出都城二百四十餘丈南北二溝爲渾河出山第一緊要處石隄歲事修補不容稍弛者

石景山前大石隄長一百七十一丈寬七尺高一丈五尺前明建築

土隄長一百四十一丈雍正三年加修灰頂三步 石景山至北惠濟廟大石隄長一百二十丈寬一丈高二丈一尺又片石隄長一百六十七丈寬七尺高二丈三尺 自大石隄起至楊木廠村土隄長九百七十五丈內九十丈雍正二年加修灰頂三步 小屯村片石隄長六十七丈寬七尺高一丈八尺 自小屯村起至衙門口村土隄長五百四十丈內一百七十丈雍正二年

加修灰頂二步又石子隄長二百八十丈 自衙門口
村起至興隆廟止大石片石隄共長五百二丈五尺內
前明舊隄三百七十九丈五尺餘上下壩臺長一百二
十三丈寬八尺高一丈又隄內雞嘴壩一座長四丈五
尺頂寬五尺底寬一丈高一丈五尺 自興隆廟起至
盧溝橋止大石片石隄共長四百三丈寬一丈高一丈
八尺內前明舊隄三百五十三丈 自盧溝橋起至北
岸頭工界石子片石隄共長七百五十五丈五尺寬五
尺高一丈內石子隄長二百九十丈五尺其餘片石隄

長四百六十五丈 自盧溝橋西雁翅起過橋東至四里坡南止大石片石隄共長一千一百八十三丈前明修築 自大甯村至高店村南岸頭工計一千一百二十丈土坡高阜舊無隄工

謹案河自西山壇里流出西岸上接山麓下至盧溝岡阜蜿蜒無慮冲齧平岸則低下平行愈遠愈下此山勢然也去河三十里卽爲都城河流偏注向東故歷代防禦之策視下流爲急金溝而下疊石爲工者二千餘丈距河稍遠者間起土隄卒斷而不續我

聖祖仁皇帝歲遣部員專司經理事土兩工櫛比鱗次無少空隙雍正九年設總理河臣改部員爲同知分隸於外歲有修費東岸起金溝過盧溝橋接北岸之頭工西岸起橋西接南岸之頭工計里三十有八石工數倍於前固若堅城歷久無患 又案石景山石土工程

俱屬險要過南金溝北金溝而北爲麻峪乃河流出峽處也至麻峪村南分爲東西二支東支溜約六分西支溜約四分其東溜直逼石景山石隄下而東面地勢平衍無隔惟恃石隄爲固其西溜至陰山峒之

南復折而東與東支合流亦且逼東岸土隄下是東岸險而西岸平險宜避平可導也乾隆二年大學士鄂爾泰於麻峪村之橋口築攔河隄將東支堵截使盡歸西流再於攔河隄兩邊接築石子壩雖有漫水萬不能奪溜東注而石景山南北十餘里隄工化險爲平矣

南北兩岸舊隄工康熙三十一年直隸巡撫郭世隆修築渾河隄岸查回安永清之北有故隄七十二里歲久傾頽遺基可按請照舊繕完以資防禦又以南岸旣固

北水無歸并請濬永清縣東北舊河五十四里使順流
歸淀是年四月興工五月工畢

謹案此次修濬爲經理渾河下流章程之始有固安
縣河濱龍神廟碑文載其事隄河丈尺俱無考

康熙三十七年直隸巡撫于成龍奉

命引渾河匯狼城河歸淀大修隄埝修北岸隄自狼城河日起

上至張妙場止長二萬七千一百六十二丈五尺計程
一百五十里九分由張妙場而上沿河五里地勢高峻
舊無隄又沿河二十里至立垓積沙成隄沙隄上接盧

溝石隄修南岸隄自狼城河口起上至攔河壩長二萬七千三百七十五丈五尺計程一百五十二里由攔河壩沿河西至高店三十四里積沙成隄沙隄上接廬溝石隄

康熙三十八年以狼城淀河漸次淤平上游壅塞

聖祖臨視親授機宜明年

命直隸巡撫李光地於郭家務另開新河由柳岔口歸淀北岸以舊河之南隄爲北隄朱家莊以下接築新隄長十五里南岸郭家務以下另挑新長隄十餘里高寬一準舊

制統計北岸自張妙場下至柳岔口隄尾共長二萬九千八百六十三丈五尺計程一百六十五里九分南岸自高店土山沙隄至柳岔口隄尾共長三萬七十五丈五尺計程一百六十七里是年復以南岸攔河壩至北村河流頂衝最爲險要改築石隄長四千五百二十丈計程二十五里

謹案康熙三十九年郭家務爲兩河三隄其時有以更番挑淤輪年放水爲議者然渾河湍悍莫能操縱終不可行兩岸遙隄可資防範意外從前分司祇知

加意縷隄而遙隄不事修葺漸至堙沒今考其舊址
僅存土埂斷續而已

康熙四十年河臣王新命以郭家務迤下兩隄相距僅
四十餘丈夾束過緊河流衝激爲害於南岸加修排椿
九千七百九十五丈又於南岸外各築遙隄一道以作
重障長與縷隄等

行水金鑑康熙四十一年六月初三日大學士伊桑
阿馬齊張玉書吳典熊賜履學士朱道常壽鐵圖紀
爾塔渾王九齡曹鑑倫劉光美等奉

上諭南岸修築石隄看來甚有裨益

雍正三年十一月怡賢親王大學士朱軾奉

命於柳岔口北另開新河上自郭家務下達長洵河逕三角淀而注之河頭與清河會南岸大隄自郭家務起至武家莊止以北隄爲南隄因舊加培長六千三百丈計程三十五里又自武家莊起至清河口止創築新隄長五千八百丈計程三十二里北岸大隄自何麻子營接舊工起至清河口止創築新隄長八千八百二十六丈計程四十九里

雍正六年永定河道石柱修築怡賢親王原奏三角淀圍淀隄工以防淀水北軼西接北岸大隄起至韓家樹上長三十里役竣交東安武清兩縣派村民按年修補因稱爲民埵

謹案此隄厯被渾水衝齧今廢

雍正八年永定河道石柱接築怡賢親王原奏清河口以下南北兩岸大隄北岸自清河口起至范壩口止長二十三里一百一十七丈南岸自清河口起至王慶坨止長一十一里一百六十九丈

雍正八年永定河道石柱以舊河兩岸之外向有遙隄
遙河嗣因改河將北遙隄壓入大隄而南遙隄遺址尙
存請於新河兩隄之外相隔里許照舊各設遙隄內挖
遙河以備汎水過大由遙河歸淀九年經水利營田府
大學士朱軾同內閣學士劉林查看請俟秋汎後辦理
十年復經河臣王朝恩勘明舊河已成平陸舊隄止成
田間小埂束水洩水兩無所用請估建重隄除南岸切
近淀池且有舊河宣洩無庸估修北岸自何麻子營起
至范壩口東止上接大隄之身下連大隄之尾相距以

四十丈爲率重隄中間橫築土格百餘道使漫水遇格而止以挖土方坑作爲河形留洩瀝水經大學士鄂爾泰張廷玉等議覆以土格攔阻水勢恐回溜激宕仍妨兩岸毋庸增築餘悉准令估修十一年興工築重隄長一萬三千六十七丈計程七十二里

謹案重隄起止如北岸官隄後因洪字二十號改爲

下口隄至河口止

工段字號舊編千文今通編某工第幾號

雍正九年直隸總河劉於義以盧溝石隄以下東至鵝房舊以地勢稍高恃沙隄爲捍禦厯年旣久雨水汕刷

輪蹄雜沓日就傾頽請照舊補築其餘兩岸隄工尙多
殘缺亦請酌量估修復經大學士朱軾張廷玉等議覆
十年總河王朝恩勘明上汎兩岸隄工風揭雨淋日漸
卑薄汎水疊漲漫灘成淤隄工更覺卑矮俱係湍激頂
衝請與鵝房沙隄普律增修并各要工建築月隄於十
一年四月興工南岸自頭工起至五工止北岸自頭工
起至五工止培修大隄并創築月隄共長四萬七千六
百三十丈五尺

雍正十年總河王朝恩等請培修南北兩岸卑薄隄工

并清涼寺月隄開挖董家務引河

雍正十年永定河道定柱以郭家務至八工隄尾河淤更甚查從前創築下汎河隄原高一丈彼時淤墊未甚上年加修增高八尺者現今祇高二尺及三四尺不等請將南岸自上七工汎內起至王慶垞隄尾止北岸自五工汎內起至范壩口隄尾止計共長二萬四百七十六丈原隄高存二尺者加高六尺高存三尺者加高五尺遞漸加增總以內高八尺頂寬一丈六尺底寬六丈爲度經河臣王朝恩勘明題准與上汎培築隄工同時